

近代中國史料叢刊續編第二十六輯  
沈雲龍主編

觀物化齋詩集

但燾著

文海出版社

有限公司  
印行

觀物化齋詩集

植之自署



蒲圻但植之先生暨德配舒夫人八秩雙壽序

國父初在歐洲久聞蒲圻但植之先生素名必欲羅致之民元前七年乙巳六月國父蒞日本囑馮自由傳語首訪先生於神田區紅梅館嗣在麴町區又屢約晤既而先生趨橫濱復謁國父山下町七月三十日同盟會籌立於東

京

於是國父始信革命大業可及身而成並定中華民國之名稱

先生識

國父甫期月耳即與首謀時方就讀中央

大學斯叔孫生所謂儒者難與進取諸生寧能鬥者也先生嘗先進言以嚴選擇防姦詞建策以省別為加盟者設調查員豫責檢覈其警敏制鬥先諸無形若蚤知廿年後容共之孽者惜其議甫行即罷向使先生得行其意慎始微漸則可無九夏播蕩五億顛隲之禍今越遷島嶠蹙蹙岌岌者十有二載之夏蔭蓀以先生詩集來曰昔同盟首義自前歲馮自由丈薨今偶存者惟桂林鄧孟碩丈與余父耳父以民前卅一年辛巳舊十一月六日生今八十矣於國為元勳於世為耆儒備位顧問清秩祿祗養身無赫奕之貴然而自有以貴之者惟

壽

序

一

[www.docsriver.com](http://www.docsriver.com) 定制及广告服务 小飞鱼  
更多**广告合作及防失联联系方式**在电脑端打开链接  
<http://www.docsriver.com/shop.php?id=3665>



[www.docsriver.com](http://www.docsriver.com) 商家 本本书店  
内容不排斥 转载、转发、转卖 行为  
但请勿去除文件宣传广告页面

若发现去宣传页面转卖行为，后续广告将以上浮于页面形式添加

[www.docsriver.com](http://www.docsriver.com) 定制及广告服务 小飞鱼  
更多**广告合作及防失联联系方式**在电脑端打开链接  
<http://www.docsriver.com/shop.php?id=3665>



畢生等身著述錄凡廿四種都可傳世

其若中華民族語源六卷日知今錄十二卷修史叢書二十卷他類稿是

胥關傳統文

化與夫開國史實俱以卷帙浩重籌刊乏力茲來就商吾子姑先為其易者以

惟吾父而為之壽余樂應命乃遍謀諸蔭孫知好醴資付刊而恭任繕校之役

迴環諷誦之餘而感慕先生至不能自己也而後始知國父初蒞日本首訪

先生之所以也蓋當時志士英勃慷慨風起而雲從口辯材使如隋陸斬將搴

旗如絳灌者不可勝數而惟先生以靄然儒者置伍其間所為革命鼓吹悉屏

去種族復仇褊窄之見競存食弱慘怵之論實與國父

若滿洲政府放棄其統治滿人贊成我主義者當然一律看待

之宗旨密合雖說尊攘大義皆仁粹有德之言本乎經術由於先生體周誠明

胞與為懷潛浸聖學育自髫幼所致先生六歲就外傳從族祖鑑堂公受四子

書及毛詩十歲侍父餘姚公之官浙江初同兄敬之先生熙從蕭山傅蓉生師

保副貢習業

嘗試作制藝題賢先生破云人而能賢賢之宜急為足規先生自童子初為聖賢代言

即有為生民立命之志故其後之

與於革命蓄有絲矣甲午先生年十四值中日戰衄始厭舉業思留意修己治

人之學師謂子志遠大吾不可以久擁皋比會病辭歸繼之者祝鳳棲其昌教先生兄弟久之謂曰伯子善漢學憲詞章若宜治宋學先生應曰諾從今願受教即日取案上雜書屏去不觀日夜讀五子書及宋元明清學案與宋明諸儒

專集著劄記數冊雜論詠史詩三十餘首作詩頌其師云宣聖既已沒絕學委荒榛卓哉祝夫子朝夕聖為鄰凡數十韻翌歲乙未

餘姚公奉檄權奉化縣事政暇挈遊雪竇先生得長短句若干首其遊龍隱潭詩有瀑布飛千丈巖深無古今句亟為凌舜琴孝廉康嗣激賞謂有唐音

寧知地靈人傑此鄉即我元首 蔣公發祥勝區乎戊戌先生年十八奉父命

與兄敬之先生同赴武昌應童子試時督學使者元和王勝之同愈按試十屬

生童經古分經學史學性理掌故詞章律學等門經學題為子書與經義有足互相證明者試列舉之性理題安定泰山學派異同辨律學題刑罰世輕世重解先生性理答案云竊謂安定之學似明道泰山之學似

伊川學安定而不能至不如學泰山而有可循也揭曉後性理列十屬第一掌故第二律學第三正場覆試皆策論王使有文筆駿快辟易千人多讀書多閱歷吾不能料其所至之褒拔置第一

補縣學生員次年己亥廢策論復以四書文取士先生仍名列一等第四補廩膳生員其冬奉

調鄂垣肄業經心書院張孝達督部督學湖北時所建撰書精舍門榜曰楚經設禮湖學分齋規檢略同蜀之尊經粵之廣

雅直隸之蓮池後與江漢併於兩湖世所傳兩湖大學者是也監督吳星階兆泰侍御以諫阻慈禧太后提海軍經費修頤和園革職永不叙用晚年始獲賞還原銜副監督紀湘聽鉅維

壽 序

河間文達公裔孫為孝達賢部之高足弟子善詩不多作梁星海鼎芬有所製恆請品評然甚器重

先生示以賀松坡濤古文先生因得窺桐城義法遂彙所作為植之文稿一卷

呈獻正稿首有自題肖像云其眼甚冷其心甚熱高晚大諱癡絕狂絕其立身行己正矜秋餘本末志節已可闕於此際同縣賀勳丞茂才汝珩同學

高材生也別署白石山人工詩古文其名甚噪士林亟賞先生文稿輒為延譽

於儕輩間先生居恆勤學好問善讀書餘姚公所昇膳宿膏火費盡市經史子

集高積屋頂同齋生麻城周幹丞維楨常從借讀晨夕共先生賞奇晰疑謂先

生文辭似汪容甫以其尊甫行狀來乞為文以傳於後先生深自摛抑迨猶屬稿有待也其他經心江漢兩湖同學今仍伉

健者何雪竹成濬吳述齋經明張懷九知本陶伯勤德瑤陶仲涵德琨張春霆

繼煦已作古人者魏注東宸組孔靈掀庚萬武定聲揚王韻史或玉童蒼翠聲胡石庵人杰時季友功致沈粹庵明道均力學致用有聲於時壬寅先生

廿二歲侍父之任餘姚王文成故里也其裔孫王生造周者一日來昇示文成

像見其左頰有黑痣九餘姚公為敬識數語於上以歸之又一日先生偶訪訓導黃某梨洲裔孫也

贈先生梨洲年譜卷首有像風帽深衣不遵胡製瞻謁之餘深心若揭是歲襄

試縣闈得阮性傳卷薦請拔置第一並佐設學校倡科學於其未入校者改課制藝為策論風氣丕變先生家世七葉為儒世俗方以掇巍科膺顯仕望之甲辰科舉將廢之際猶有溺情場屋者而先生志獨不在此是時經心同學周幹丞張春霆等已先在日本幹丞函月必數至痛陳民族危機以覆滿光漢相勸勉同邑李厘身習兵於士官其兄居里時為傳語彼中情狀先生遂決意東渡以糾合同志共成革命雖甘犯粉身碎骨之危而不顧也癸卯七月先生奉嚴命赴試開封事畢即乘鐵路至武昌謁文普通學堂監督紀湘驄並晤監學沈粹庵皆經心舊日師友堂中濟濟多士如黃季剛侃宋敦初教仁蔡達生匯東

在校秘密醞釀革命風聲漸露將  
雁不測賴紀沈庇護資之赴日本

蔣雨巖作賓歐陽駿明振聲皆一時之彥深相結納先

是鄂人之留學日本者翔湖北學生界月刊視先生為生力軍屬望甚殷屢促之東沈粹庵遂親送先生握別於漢皋先生附江舶抵滬訪宜昌志士王侃叔慕陶王為促遽經紀一切故不及稟告餘姚公逕搭日輪山口丸子身變服飄



然去日本登陸長崎乘火車經橫濱入東京

黃岡程子端明超迎候於車站下榻小石川區湖北同鄉會與劉藝舟上下樓劉畢業東京高等師

乾辛亥光復山東登黃稱都督

先生初入嘉納治五郎所設師範速成班翌年甲辰改入神田同文

書院後移目白豐多摩郡高田村

與時季友功致石友儒志泉江繼源華本張仲華昉陳孝通曾劉仲文湘後更名公同校

乙巳夏改入

正則英語夜校晝讀即在中央大學由預科升大學部英法科畢業精攻海商

法獲法學士學位更欲赴美國升入與有聯約之耶魯大學擬再一年深造即

可獲碩士學位而以深與同盟革命事遂不果行蓋先生之為學自制藝而性

理而經世致用而進於近代社會科學準世度務與時易化凡三變矣至是佐

成國父同盟會初任司法部判事翌年丙午

國父

再滬日本謂吾黨以主義相結遂主廢司法部

調先生

為執行部書記幹事總理秘書湖北支部主盟

留學歐美湖北為盛大都先生好友素通聲氣

兼掌歐美黨務

聯絡事是年民報初設於牛込區先生受命為撰述與胡展堂朱執信汪寄生

等同為論壇健者

時蘇報索解車太炎炳麟出獄以報社同業義故而先生為執行部書記幹事又難不容辭乃挽時季友功致專程赴滬介蔡鶴卿代為先容協助迎太炎以東到後即館之社中

報務於

先生以為革命大業精神之力須與軍事相輔而行遂奉國父命與湯

增璧等發揚固有文化以提撕人心先生除編輯呂留良四書講章為國學課

本外且略做真西山德秀文章正宗之分目與體裁博采經史子集中有關民族主義之作分類纂集為漢

風雜誌私費刊行太炎惟然為題封面並書能夏則大四字以代弁言一時風行遐邇華僑及歐美留學生均愛讀之它如宋遺民鄭所南思肖

之鐵函心史並題詩四首於封面之次頁朱書刷印尤顯醒目除分贈海內外友好外並寄售東京坊間明遺民朱舜水之瑜之陽九述略

以及陳其年之婦人集余懷之板橋雜記宋濂之洪武聖政記溫廷睿之南疆

逸史某之崇禎宮詞等或編為愛國廬叢書或刊本單行或做金聖歎人瑞之

筆鋒予以冷雋幽默之批評東京留學界幾於人手一編與章太炎之馭康有為書那先烈容之革命軍陳先烈天華之

猛回頭彈詞警世鐘楊先烈篤生之新湖南等同在留學界震悚一時其後革命成功之速未始非此等紙彈之力而

先生之功抑亦不朽矣迄辛亥秋武昌首義前先生豫入其中晤劉公與陶德

琨江華本潘公復等繼於革命先夕赴滬十二月謁國父於上海寶昌路某

號留膳暢敘在座有陳琴舫寬沅胡展堂行鴻黃克強與池田亨吉主編英文革命評論及寺尾亨博士等寺尾曰滿政府公然派代表與革命軍議和是即已對中外承認革命軍為交戰團體矣席

散國父密語先生曰我政府尚未成立而清廷已與我議和組織政府真不

可緩也因垂詢先生部屬人數囑往新政府襄助為理無何民國肇造舉國父為臨時大總統任先生為臨時大總統府秘書兼公報局長迄民六護法之役軍政府組成於廣州舉國父為大元帥先生為國會非常會議秘書長時大元帥府秘書長章炳麟以促副元帥唐繼堯就職使滇徐謙代之亦離職去

張伯烈繼任為府僚反對謝持亦因國會同仁不滿相繼辭職胡漢民朱執信謙讓未遑

國父遂命陳羣星夜促先生入見遽受命艱

危之際

立囑各秘書集會自認分派職務於是邵元冲自任軍務負責與各方代表接洽陳羣任監印收發吳山任普通文牘林直勉任黨務及交際餘事重大者並由先生統攬負責

時羣情危

杌各方代表咸欲見大元帥而不克見及既見而仍望多見秘書長洽務者以致先生奔馳府會日理兩處文牘接賓陪宴無稍暇馮自由日潮先生為雙料秘書長幸各方知先

生不欲於粵中自謀地位驚濤駭浪一時稍平嗣國父遂日為各界演講五

權憲法洎民八國會正式成立閩侯林公子超森被選為參議院長先生遂任

秘書長兼憲法會議秘書長當在粵時值砲教莫榮新之後一日先生入謁

國父於臥室田梓琴桐適先在田請國父移居戒備以防桂系不逞先生謂

柱系於砲教時既不動作迨面加誠諭亦深表悔悟  
次晨且獻燕菜以示至誠當不至於最近再有反抗

儘可處以閒暇以示寬大 國父建之蓋

先生之事 國父也雖造次顛沛不忘忠愛鞠躬請獻縱事涉纖微正不妨因

勢消弭若事大而形勢已成亦不欲銜直以邀譽或宣室密陳或囊封直達溫

樹不言從闕者多矣 國父逝世革命大業重付今總統 蔣公繼承先生亦

即以事 國父者事 蔣公民國十六年起先生歷任中國國民黨湖北省黨

部監察委員湖北省政府委員國民政府秘書總統府秘書國史館籌備委員

會總幹事國史館副館長迄播遷來臺之越四歲 蔣公聘先生為國策顧問

湖先生自同盟首義以來倏已五十六載其事功著如上述大要與所學相表

裡合義理考據詞章一爐而冶冀於振興中國文化轉移風氣復興國族聊盡

匹夫之責推迹其平生約略似明初大儒宋景濂

始也為創國者所徵禮其出處同用文學  
受知備顧問亦同明祖謂濂事朕未嘗有

一言之偽請一人之短始終無二德其事上前前歲同盟舊義日本山田宮崎等來臺咸詣先生問起居有同於外國  
貢使之問宋先生起居至先生之詳訂清朝全史亦婉景濂之修元史充總裁官而先生之任國史館副館長與濂之  
同修國史則  
更無不同矣 先生稟良史材若韓退之之僅成順宗實錄當不自足民國開國瞬

壽

序

五

亦五十年矣成一代之史非先生莫屬日本有明治開國五十年史纂成已久我國家多故迄猶局促草創當世有文化沙漠之譏其敢望於元勳者寧若隣邦之於大隈重信侯哉獨惜先生未盡平生之學學亦以是而無傳焉聞者唐張後胤對太宗今弟子何如問自謂功逾先聖方諸先生追隨 國父佐成大業言豈不類是漢興迄文帝紀共四十九歲與今民國正同其時伏生已九十餘老不能行詔猶使朝錯往受尚書而先生今八十髮鬚猶青世有漢文寧期朝生不至先生之學傳正有待焉德配舒夫人為清湖南安化令某某公之女孫工部尚書左都御史賀雲甫公之彌孫甥國學生壽山公之女子子蔭丞茂才輝樾亞元德生輝祖之女弟與先生為中表行年十八來歸先生誕男子子五女子子三皆卒業大學今高齡七秩有八持家勤儉操作不輟人尤難之論者謂昔漆室緹縈之徒烈女也及為婦則未聞伯宗梁鴻之妻哲婦也其為母則無聞而夫人則兼擅之婦儀母範壹徽備美長女家璠聖約翰大學文學士

長嗣蔭孫法國里耳大學法學博士治政治學頗采巴黎大學法教授貝篤新說晰民主與權力體義精絕執教上黌弟子著籍者逮於南北高足成碩士者不可俚指數次錢孫震旦大學法學士又次柏孫復旦大學工學士又次香孫復旦大學工學士業國營貨殖曾再與世界糖業會議遍遊新舊大陸而歸將以甘澤飴天下者也季子家瑞大同大學商學士油績肖像甚工妙稟藝術良心曩渝滬學運屢陷姦構季子懾以正氣賊常不獲逞次女家瑛暨南大學文學士幼女家珩南通學院農學士孫輩十餘長者已入成均擘專家之學觀其執藝各異意其鄧高密遠名勢之遺然亦各專所業靖獻明時方之昔賢家世傳學則有夏侯代不曠僚則惟沈氏何以加焉余素從蔭孫昆弟遊宴隨侍兩老入其門焉怡然雍睦孫女男環坐讀書之聲滿屋先生伉儷恆咲樂而左右顧享此天祿耆耄雙臻綿長厚福觴獻之餘感慕之而不能自己於辭也是為祝世愚姪國史館纂修歐陽無畏恭撰

壽

序

六

中華民國四十九年十二月二十三日

劉求南	劉大悲	翟韶武	趙蘭坪	端木愷	蔣碧微	彭襄	黃煥如	黃文陶	崔永楫	戚成	湯惠蓀	陸鐵乘	陳國榮	陳泮藻	陳維綸	陳石孚	陳願遠	吳克剛	毛振翔
關明德	戴邁倫	戴序倫	戴彝倫	戴粹倫	戴冕倫	稽哲	劉家駿	歐陽鷺	張一心	徐自強	倪寶坤	唐子宗	祝德光	柯樹屏	芮光懷	芮寶公	李遐敷	李亮恭	江觀綸
彭思衍	張仲偉	張志良	夏齋遠	陸以正	陳上典	唐克鑫	唐樹祥	唐賢鳳	汪瑞椿	杜文烈	沈克勤	邢公倜	邢公儀	李文波	李邦琴	方大川	王作俊	袁衛民	吳演南
馬澤鈞	孫以繡	胡開誠	易漢傑	周文偉	芮和蒸	沈興華	沈瀛三	成惠群	李明	李澧	田幹吾	皮岫雲	王顯民	丁慧凡	廖維輝	熊琛	楊峙	鄧自謙	黃天才
繆寄虎	顧龍天	顧立豪	饒立風	戴華	賴淮	劉俊三	劉貴寶	趙衡之	萬世章	董來燦	楊寶峯	楊士豪	程振東	張佐華	袁約民	徐觀超	陳玉麟	陳祖耀	陳霽生

鞠躬

觀物化齋詩集卷目

觀物化齋詩錄

卷之一

古詩五十二首

卷之二

近體詩六十首

入蜀集

一卷

三十六首

山中酬唱集

卷之一

六十五首

卷之二

三十三首

臺員集

一卷

三十三首





觀物化齋詩錄卷之一

章太炎先生 審定  
蒲圻但 燾植之甫著

古詩

詠史

秦皇好神怪宛渠出深淵輕舟沒浩蕩蛟龍不敢潛綴羽充被服燃石暉重泉  
九垓局堂戶萬歲促期年即桴余所企倏已忘言筌

許由讓天下乃謂竊皮冠夷齊適周室叔旦慚投竿顏回多拘忌伯玉遜達觀  
瓊漿可代酌玉芝可當餐淳薄久異源高舉從所安

扶危仗雄傑弭亂資忠良伯玉相衛國強敵不窺疆功名苟不立商容謝軒裳  
仲舉抗僭俗伊呂冀爭光袁閔臥土室身世兩相忘牽欲失堅貞憑義有芬芳  
嗟嗟鄉曲士豈足較短長

子喬乘鸞鳳遨翔青雲間鮑焦勤四體立槁在空山農事慚未習沮溺非所攀  
抗心在塵表損益豈足關

景翠貧無賴走說東都君國小乏珠玉重寶難賦分譬如張羅者用志不可分  
少則無所得多則駭其羣張於有無際乃令百禽臻東都斂容謝敬如教云云  
夙昔蓬巷士一朝重千鈞榮辱亦何常得失徒紛紜愧微飛蓬質因風致青雲

禍釁由纖積怨毒起不明君子勤小物夸者慕浮榮李斯歎東門商鞅喪其生  
成敗相倚伏寒燠遞代更昨來高臺峙今見曲池平嗟彼傾側士罄折事公卿  
夕不見晚魄朝不見曙星木槿爭早華繁霜倏凋零願與海上鷗久要結同盟

木大傷其條水大虧其深有智而無術一身不可任七雄事戰伐智勇萃如林  
弱者為魚肉強者為刀槌主臣不均權監史互相臨君看林木茂斧斤遂相尋

往車既已覆來軫徒駸駸所以韓子房功成早抽簪

用兵不厭奇治國貴守常世數迭相生百代要可詳吳起用陰謀說士氣不揚  
功成相楚國行縣紛趨蹌飛蓋莅息境赫奕不可當屈生獨見幾犯顏斥不祥  
一身不足惜舉世罹其殃寄言傾側士慎勿矜強梁

伊昔宋陵子抗志三辭榮魏文造其廬願具安車迎宋陵避席謝臣本無宦情  
楚國有富者牧羊資其生已蓄九十九所恨數不盈貧者適有一持貽鴻毛輕  
貧者無所絀富者非有贏萬乘無所施匹夫全其名

齊宣性好射所挽不中程用者祇三石謂有九石羸羣臣爭附會不謀咸同聲  
三石乃其實九石乃其名驚名而喪實蓋棺一無成於射可觀德君子貴立誠

立論貴相明化險歸於夷勝者得所守敗者得所隨如何臧三耳義貴辭則詖  
二耳乃其名其一神不移甚難而實舛外華內必虧舉本可統末亡羊在多歧

養生如牧羊後者必鞭之魯有單豹者巖居性無虧行年已七十猶有嬰兒姿  
不幸遇餓虎糜身為世唾同時有張毅跬步悉中規門閭必下趨馬圉皆等夷  
四十病內熱一身不能楮或則養其內殘形膏虎猗或則養其外朝養夕已萎  
吾聞達生者一視無所歧

南陽一布衣躬耕值歲荒賣穀全性命僦驢供餼糧天方厭新都紛紜走豪彊  
伯升宗人子結客少年場會衆起義兵子弟皆逃亡何來一妄人陳讖如病狂  
遂令謹厚者折筮驅羣羊不謀同衆情乘時握權綱功臣受厚貺文吏咸登揚  
非關靈慶驗實乃人謀臧昔日同舍生相顧但徬徨豈不念故舊為國重賢良  
竟陵談因果緇徒利其施范鎮論神滅矯世志不移嘗因侍竟陵竟陵反詰之  
君不信因果富貴那得知鎮譬有一樹繁花發高枝或則拂簾幙或則關藩籬

貴賤雖殊途因果竟何司形神互相濟利刀遞相資利沒刀不存形亡神亦萎  
是故張甲情不在王乙肢聖神遺凡器金精不可欺禮樂興衰薄俎豆起俗漓  
遠西學分科所見無伋僂立論雖矯俗制禮貴從宜祭神如神在千載使人思  
我愛漆園吏矯然志不欺學雖本柱下放浪寄遐思仁義薄曾史殘生病伯夷  
死生同晦朔是非無伋僂遺身禮法外曳尾慕神龜豈不縻好爵所慮傷天機  
儒術不應用有如白玉卮商鞅不貴學悅世同巫醫禮樂等芻狗反古志不疑  
什伍相檢束立木著其威辟地賞連城守株無立錐二男必分異父不能子私  
綬鋤生德色倫理棄如遺身雖殉車裂法為後世師  
田駢喜著書訾養致千鍾口不言政法學惟道術宗林木本無材棟梁咸所供  
變化應世求所施輒有庸因性以任物有如金在鎔當時稷下士天口相形頌

俯視縱橫者往來徒憧憧

視俗而施教察失而立防琴瑟苟不調改絃宜更張桓譚陳時政志在抑豪彊  
高帝禁二業當日盛文章如何末葉後變本厲其常大但放錢貸中家為紀綱  
趨走侂臣僕綵玩來四方遂使侈靡通馴致本業傷謂宜相糾告實者畀以臧  
所言雖不省後代罹其殃矯枉戒過直作法勿於涼

百家競言政要在固本根情啟迭推變更僕難具論損益異運會分波而同源  
春秋任一卿周官禮猶存光武倚臺閣政權出多門疎禁或覆社斂威亦僨轡  
用舍迷其端何以貽後昆

公叔嫉薄俗絕交論有因比周傷道義偏黨毀仁親田竇富遊客廉翟多雜賓  
進退關利害安知友輔仁荊卿不愛死豫讓輕一身感激由意氣由來異等倫  
誠能矯時俗孤貞或可遵

德失貴仁義禮興淳朴淪尼父厚原壤秦穆釋盜臣在昔漢邴張此風猶獨存

一旦時俗異大化苦不淳智者不接愚富者不振貧韓翟為賢宰貧賤難進身  
谷風歎棄予禽史絕等倫

向生喜長嘯卓詭著奇行弟子備四科當世目狂生騎驢伴乞兒賓至不肯迎  
立朝無唯阿一鳴在位驚黃巾勢方熾亂流波縱橫萬言上便宜上策在去兵  
北向誦孝經此賊不足平常侍進讒言謂與角同盟殂身北寺獄千載誰能明  
下學務上達朝聞期夕行申樊幹周邦服袞朝王庭功烈垂後葉勵志在幽冥  
質因文以美實與華相成臨川方欲濟舟楫苦不營文軒非可樂素志在必旌  
自非穀飲者安能淡世榮

飛鴻翔冥漠弓弩恃其強遊鹿宅長林或為走狗傷我聞有神龍合散成體章  
上下乘雲氣吐納資陰陽小則如蠶蠋大則凌八荒嗟余值屯蹇憔悴江海旁  
息影匪圖安攘臂艱捩亡願言從尼山細與權行藏



遇合實由時性命不可求昔有爰旌目遠適困道周死不食盜食壺殮亦為羞  
孟氏安兼金受之為有由日南則景北宵短則晝脩暑至鶉火耀冰沍蛟龍囚  
及津不足喜失塗不為憂委畱據文軒所貴在澤流

戰國交兵車諸侯若綴旒秦往則從合儀來則衡道絕城退秦師係箭弛聊憂  
安危本無常所急在智謀守株兔不得契舟劍難求所以於陵子垂翅棲故丘  
杖策姿遊遨曜靈倏西藏榮華難久要鴟鳩鳴不芳一年冀三秀白露道為霜  
妒媿焉可竝依韓甘流亡漸冉苦無成端著誰能詳

寒風拂窮岫歲序倏代更百草歇芳菲款冬獨含英寄生託桑末卉凋已獨榮  
臯陶制刑法六蓼忽然傾晞髮崑崙岡天監茲孔明

安寧尚庠序標季矜勢榮交易途既開錢幣遂雜呈太公興魚鹽仲父權重輕  
李悝盡地力計然強甲兵刺繡無兼業倚市有邪贏末業貧所資非常民或驚

至治不可幾所戒逆人情

東海屠牛客窮居苦歲適結主傾商政發迹由陰謀專征表東海建邑宅營丘  
地既饒魚鹽量亦平豆區莊公失其德崔杼遂尋仇陳氏專國政結民由輕收  
六弋竟何用所宜戒覆轡

漢季值雲擾梟傑遞相更張魯家豐沛世以米賊鳴義舍便行旅鬼道馭編氓  
米肉填亭傳量腹不取盈一身兼君師部衆輸其誠巴漢三十載耕市無所驚  
瓚淵覆宗族繡魯世簪纓羣雄皆寂寞盜獨揚其聲凶年甘藜藿不在侈義征

屈生明治亂志在興楚疆造憲期忠信作令慎弛張餘事擅辭令美譽流四方  
廉真傷莞獨朋黨日狃獨謂天無私阿作善乃逢殃武關去不反失國酷夏康  
宗臣同休戚何計悟哲王顯榮不足慕繫心在贊襄一瞑殉宗國上齊日月光  
惜哉謨猷閔遂令辭賦章亡國非弱寡輔弼失忠良哲人慎幾微堅冰由履霜

至人不滯物達士貴全真顏氏安陋巷李叟適西秦阮公良輔才猛志局千春  
浮沈臺閣間荏苒邁世屯昔見桃始華今來摧為薪萬鍾志不就方外託隱淪  
讀莊不知倦飲酒常達晨高詠似憤懣寓言足悲辛安知岳牧責不識天地仁  
廣武發長嘯劉項爾何人

黃帝制井邑閭里互匡襄饑飽不易心勞逸咸有常自從阡陌破隨時為紀綱  
新室何為者欲使絕迹揚中商督刑罰撓首總逋償簿書填官府良懦仆道旁  
井邑滯食貨市廛絕工商赤眉橫山澤羽書馳邊疆制作豈不勤曾不救危亡  
雖云驅除資撫卷增悲傷

玄雲無定體應龍不常儀卷舒從變化興潛任推移舒體局八維促節安立錐  
丈夫貴範俗毀檢徒自虧良運苟未協榮華安足規蓬山如可適誓將揖安期

錢穀迭為用得失著千秋漢季值旱澇資用苦不周廣開賣官路弘織悉見收  
爵秩列尊卑等次有常酬上者求三公其次索一州白日輸縣官曾無暮夜羞  
督促臨中使賄遺致綢繆羊公獨寒儉緼袍不見收自來命世才致身匪一流  
阿衡起割烹尚父拔屠牛豈惜錢刀盡但恐歲月道官庫餘良貨太常書遠猷  
大利由一孔風俗摧浮偷私室絕干謁要津息誅求晉武盡錙銖祇為私門謀  
雖微劉頌言終覺桓靈優選舉庇世族考試同探籌誠能救時弊秕政安足尤  
三王重教化五帝陳甲兵商周建五等強弱互相并嬴政委郡縣漢室銷未萌  
虎羆布京師邊陲列障城良家發六郡材官出五營因危假節鉞時平仰裁成  
下瀨收奇績樓船著令名赫赫衛與霍解曲受代更邊塞肅烽燧斥堠無所驚  
行間踐更卒功成不受榮但識朝命嚴豈問鼎重輕此道今人廢悽惻動我情

漢興承秦弊天下常苦兵將相乘牛車但僧操市平高帝禁二業市井絕簪纓  
中更七十載貫朽不可名閭閻食梁肉官司世相賡一旦事金革蕭然常不甯  
丈夫事作業老弱苦送迎桑孔工心計張杜變法程算利及錙銖告緡徧齊氓  
山海錮莞鑰鹽鐵恣取盈雖云不加賦實乃抗民生太史風時政最下與之爭  
弟當絕侵漁不在鉏兼并文質迭為用權害取其輕

晉室值板蕩禍變起心膂措紳矜坐嘯牧守疎固圉彭城推雄傑起家由軍旅  
游士聚帷幕黃屋陰相許一旦要九錫終乃移鐘鐻論功擬桓文比節慚伊呂  
徐公何為者深痛託禾黍豈無素心人佐命非吾侶八表同昏冥翻謂平路阻  
黃農今已遠去去復何語

我聞齊孟嘗富貴不為身一旦遭放逐坐上絕譚賓馮生獨慷慨憑軾西入秦  
片言動兩國顯主重千鈞豈無珠履客相顧但逡逡慕義世罕匹報主亦殊倫  
徒令窮巷士千載想音塵

和章太炎先生寒食

介推與世絕燔身在巖曲流律隨時遷斷火寢成俗伊余起草昧行吟傷局促

新綠布平臯赤燦殷九服二妙有嗣響

李剛旭初相繼屬和

汐社茲可續

羅浮行

步出吳淞市森然見帆檣道旁一老父云來自東江家世住龍溪

一統志龍溪在海豐縣東流入海

年可七十強雖復慚席珍亦自附國庠夙性鄰薑桂匪敢薄羶薈平陵鬱嵯峨

平陵山在海豐縣高五百丈上有通海巖空洞而暗深不知其極或云通於南海 回溪何洋洋山川不改昔生世罹百殃長男職專

城無辜上北邙中男事懋遷懷璧坐姦賊弱男才勝衣列籍在戎行大婦悲黃

鵠氣結臥匡牀中婦持門戶度梭輟流黃小婦振木舌巧言如笙簧蠹蝨伏懷

袖蠅蚋化螟蝗老身脫爵羅行見溝壑僵伊余臥江海損益久捐忘追念平生

遊聞此悽中腸羅浮列洞天自昔號仙鄉神湖遊恬麟朱草吐芬芳丹竈晞朝

日碧雞叫天閭羽客此棲遲倏忽閱千霜居人衣紵葛比戶足稻梁由來有道

世守禦在四方招携昧前算甲兵失堅良橫海來戈船部黨雜胡羌謀主擬萬  
乘部曲準侯王下品無私屬上品無珪璋赤伏表幟志丹書揭女牆上言絕兼  
并下言威八荒叱咤動山岳呼噏變溫涼逋逃參帷幄髡鉗為棟桷鋤犂易梧  
挺旃裘代冠裳穿絡甚牛馬繩糾嚴毫芒徵發及枵箸捆載盡倉箱煙火斷墟  
落狐鼠嘯空堂春壠無柔荑冬圃無枯桑陳肆稀商販均市遏低昂泉府恣誑  
糴質劑不可詳階下羅械杻堂前陳酒漿刀鋸寄談笑笙磬起回惶何以代贄  
幣鬪臙躬提將何以佐高會肝腦充餼糧參夷班新律什伍申舊章苗刑多漏  
目歐刀無鋒鉅泉貨胎禍釁詩書召不祥老弱等人疴巫祝宜天亡圖籍委灰  
燼京觀矗道旁戰景乏土室欲渡愁津梁如公保黃馘幸矣勿重傷遊魚潛深  
淵飛鳥翔高岡鱗羽雖異族飛潛各有常如何黃農胄同根自相戕星火燎原  
野涓流決隄防徙戎著空論寧足息狃狃秦皇築長城胡馬不窺疆漢帝開西  
域匈奴失庫藏叛服雖無定視之若蚊虻頗聞樓船將揚舲下海陽霜戈映素

波組練明晨光一揮剪鯨鯢再舉收金湯相期泯力詐從茲息斧斨治亂由運  
會立國有紀綱表曲景必邪源遠流自長要當仗忠身終見漢道昌

章太炎先生曰敘述近樂府然前人無此鉅篇此亦變體也少陵北征祇  
述一身坎坷之迹尚至百韻今敘東江喪亂未及千言正不足怪

古意

白馬誰家子來自天一方寶劍橫腰間金羈耀道旁顧盼遺儀態俯仰有輝光  
更衣息西櫺鳴儔集東廂飛樓銷凝陰廣庭來積陽堂前陳桂酒中廚繪鯉魴  
當筵奏桓瑟前席舞趙倡皓腕動珠玉新聲媚笙簧蘭膏承夜暉綠樽映紅妝  
舞袖驚吳市纖腰惑楚王催人恨箭促銷燭喜更長貂纒未為溫綺羅詎云涼  
千金顧一笑百萬買年芳含情把銅鏡託意弄明璫解佩期洛浦行雨迓高唐  
方驚羅帶緩已看寶鬢亡長漢隱天際明月沒東牆羅紈驚白露珠履侮嚴霜  
賓戒露方晞主稱夜未央丹轂馳夾道冉冉駐衣香



自省府渡江值風有作

揚舲橫中流忽值風湍惡疇昔仗忠信今日臨畏薄茲邦遘禍亂物力久彫索  
雖復勸耕植未能遵禁約敢期格豚魚妄擬退蛟鰐何當息狂瀾長揖還北郭

休沐携婦子散步府園登高閣眺遠

受命還鄉邦寒溫已改昨監史闕譏評岳牧慚寄託余以省府委員兼省監察委員茲園隸行省為

元中書行省故址

亦復具丘壑疏渠引清泉依陵起傑閣風物稍清晏帆檣自出沒何日

反舊林幽棲伴猿鶴

神州

神州值再造率由革舊章部黨填中衢符籍耀道旁監史比肩是丞貳不可詳  
武庫資盜兵泉府輸寇糧精力疲几席光陰耗津梁條教出中樞格令列多方  
但言鋤豪右不聞登賢良玄虛難靖亂力詐豈救亡要期陳綱紀再見風俗康

遊抱冰堂瞻故帥南皮張公遺像作